



Bosnia and Herzegovina  
Federation of Bosnia and Herzegovina

CANTON SARAJEVO  
Ministry for Education

Broj: 11-05/02-04-22801-189/21  
Sarajevo, 29.08.2021. godine

**SKUPŠTINA KANTONA SARAJEVO**  
**-ovdje-**

**PREDMET:** Odgovor na zastupničko pitanje – zastupnica Admela Hodžić

Zastupnica Admela Hodžić je Ministarstvu za odgoj i obrazovanje Kantona Sarajevo, na 40. Radnoj sjednici Skupštine Kantona Sarajevo, održanoj 09.08.2021. godine, u okviru tačke dnevnog reda „Poslanička/ zastupnička pitanja, inicijative i odgovori“, u skladu sa članom 213. Poslovnika Skupštine Kantona Sarajevo, uputila sljedeće zastupničko pitanje, citiramo:

*„Na osnovu čl. 106. i 213. Poslovnika Skupštine Kantona Sarajevo (‘‘Službene novine Kantona Sarajevo’’ -drugi novi prečišćeni tekst broj 41/12, 15/13, 47/13, 47/15, 48/16, 9/20, 14/20) upućujem zastupničko pitanje ministrici za odgoj i obrazovanje KS na osnovu Pravilnika s kriterijima za prijem u radni odnos u predškolskim ustanovama, osnovnim i srednjim školama kao javnim ustanovama čiji je osnivač KS a koji je objavljen u si. Novinama KS br; 29/21 dana 22.07.2021. godine koji je još jedan korak unazad za pripadnike boračke populacije koja se u Pravilniku prezentiraju kao dopunska prava boraca- branitelja i članovima njihovih porodica te supruga ratnih vojnih invalida i članova njihovih užih porodica.*

*Članom 16. ovog pravilnika jasno se definišu dopunska prava boraca-branitelja BiH gdje stoji da nakon bodovanja na osnovu općih i posebnih kriterija, te nakon provedene kompletne procedure uključujući i intervju na ukupan broj prethodno ostvarenih bodova u zavisnosti od pripadnosti boračkoj populaciji dodaju se i dodatni bodovi na način da se na ukupan broj bodova dodaje i postotak od istih.*

*Naime, analizirajući detaljno član 22. ovog pravilnika koji se odnosi na postupanje komisije po zaprimljenim prijavama u skladu sa bodovima utvrđenim u članu 9. 10. 11. 12. 13. 14. ovdje nema bodova iz člana 16. a komisija vrši prvo bodovanje kandidata koji ispunjavaju uslove konkursa i utvrđuje bodovnu rang-listu opet bez bodova boračke populacije. Ukoliko je broj kandidata s utvrđene rang- liste manji od 6 Komisija poziva na provjeru radnih i stručnih sposobnosti svih prijavljenih kandidata naravno do ovog postupka nemate prava da vam se uračunaju bodovi iz člana 16. koji se odnosi na dopunska prava boraca.*

*Pod stavom 5. člana 22. ovog pravilnika stoji da u slučaju da je broj kandidata utvrđene rang-liste veći od 5. Komisija poziva prvih 5 kandidata sa utvrđene bodovne rang-liste i sve ostale kandidate koji imaju maksimalno 4 boda manje od prvorangiranog kandidata na bodovnoj rang-listi.*



*I na kraju član 23. provjera radno-stručnih sposobnosti. Kad se završi procedura provjere radnih i stručnih sposobnosti na kraju pod stavom 7. Komisija kandidatima upućuje zahtjev za dostavljanje dodatne dokumentacije iz člana 18. stav (2) tačka k) ovog pravilnika.*

*Moje pitanje glasi odnosno pitanje pripadnika boračke populacije da li će ovi bodovi biti uračunati tek onda kada uđu u uži izbor prvih 5 ili će ovi bodovi biti uračunati sa ukupnim brojem bodova koji će im pomoći da uđu u prvih pet ili šest kandidata, odnosno time im dati mogućnost da uđu u uži izbor ili će novi pravilnik onemogućiti pripadnike ove populacije da ovim dodatnim bodovima ostvare određene pogodnosti i prednosti prilikom zapošljavanja kako je ova Vlada i ova većina obećala“?*

*Dakle da li će ovi bodovi koristiti pripadnicima boračke populacije tek kada ili ako uđu u prvih 5. a do tada neće biti ni razmatrani?*

## **ODGOVOR**

U vezi sa navedenim, ovim putem Vas informišemo da je tačno da se bodovanje kandidata po osnovu prava boraca-branilaca i članova njihovih porodica vrši nakon što se provede kompletna procedura, uključujući i intervju.

Navedeno je propisano Pravilnikom na opisani način zbog činjenice da je članom 6. Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo („Službene novine Kantona Sarajevo“, broj: 37/20 i 27/2) decidno propisana obaveza navedenih poslodavaca da nakon provođenja bodovanja po općim i posebnim kriterijima, nakon provedene kompletne procedure uključujući i intervju, na ukupan broj ostvarenih bodova dodaju propisane procenete bodova po osnovu pripadnosti boračkoj populaciji.


Također, u konsultacijama sa više predstavnika boračkih udruženja, na njihov zahtjev je uvrštena odredba kojom se kandidati koji mogu ostvariti određeni broj bodova po osnovu pripadnosti boračkoj populaciji pozivaju da neposredno na intervjuu dostavljaju dokaz o pripadnosti ovoj populaciji.

Prema saznanjima osoba sa kojima smo obavili pomenute konsultacije, prilikom provođenja procedura za zasnivanje radnog odnosa u školama dešavale su se situacije da Komisija, nakon što se utvrdi ukupan broj bodova (uključujući bodove po osnovu pripadnosti boračkoj populaciji koji su se po ranije važećem pravilniku računali uz bodove po osnovu općih i posebnih kriterija), kalkuliše sa bodovima koje dodjeljuje, na način da ovoj populaciji dodjeljuje manje bodova po osnovu provjere radnih i stručnih sposobnosti, kako bi takvi kandidati bili niže pozicionirani na bodovnoj rang-listi.

Napominjemo da smo, tokom izrade Pravilnika bili u kontinuiranoj komunikaciji sa Ministarstvom za boračka pitanja, koje je ocijenilo da je Pravilnik u potpunosti usklađen sa Uredbom (čiji je predlagrač Ministarstvo za boračka pitanja), te nam ukazalo i na činjenicu da je pomenuta uredba izmijenjena i dopunjena na način da su u kategoriji lica pripadnika boračkoj populaciji uvrštene i supruge ratnih vojnih invalida. Navedeno je također propisano Pravilnikom.

Dostavljeno:

1. Naslovu
2. Stručnoj službi Vlade
3. Arhivi



MINISTARSTVO

vić



web: <http://mon.ks.gov.ba>  
e-mail: [mon@mon.ks.gov.ba](mailto:mon@mon.ks.gov.ba)  
Tel: + 387 (0) 33 562-128,  
Fax: + 387 (0) 33 562-218

Sarajevo, Reisa Džemaludina Čauševića 1

